

Proceso participativo

A Axenda Urbana de Carballo é un instrumento estratéxico que implica a **colaboración e a participación activa de diversos axentes, transcende as fronteiras municipais** e require a implicación de múltiples partes interesadas. Este documento representará un **esfuerzo colaborativo** que involucrará non só ao Concello de Carballo, senón tamén a **outros niveis de goberno como a Deputación, Xunta e Estado**. Ademais, require a **participación activa de entidades** sociais, ambientais, empresariais, económicas, deportivas, culturais e outros axentes relevantes no tecido comunitario.

Esta Axenda Urbana é unha iniciativa que busca construír un futuro sostible para Carballo, e isto só é posible cun **enfoque integrador e colectivo**. A **cooperación entre diferentes ámbitos e sectores da sociedade** é esencial para abordar

os retos urbanos, promover o desenvolvemento sostible e mellorar a calidade de vida da comunidade. Nesta liña, a **participación e o compromiso de todos estes axentes** son fundamentais para levar a cabo as accións planificadas e acadar os obxectivos propostos.

A importancia desta Axenda Local radica na súa **capacidade para articular accións conxuntas** no territorio cos diferentes axentes sociais, económicos e medioambientais. Este compromiso non só aborda as cuestións clave identificadas polo Concello, senón que tamén reflicte a **capacidade e aspiracións da comunidade local**.

Por este motivo o **proceso de participación** desempeñou un papel crucial na elaboración da Axenda Urbana de Carballo, proporcionando un marco inclusivo e colaborativo para identificar os obxectivos e

accións prioritarias para cada un dos sectores. A través de diversos **actos de participación**, o Concello de Carballo buscou involucrar activamente a comunidade local a través das **entidades e asociacións sectoriais** para recoller unha visión completa e



diversa que reflicta as diferentes perspectivas e inxerencias presentes no territorio. As sesións foron convocadas nas seguintes datas:

- **Mércores 20 de setembro:**
 - Reunión co grupo de goberno do Concello.
- **Luns 20 de novembro:**
 - Entidades medioambientais.
 - Entidades e asociacións de carácter veciñal, cultural e as ANPAS do municipio.
 - Entidades e asociacións de carácter social.
- **Xoves 23 de novembro:**
 - Entidades e asociacións deportivas.
 - Entidades e asociacións de carácter económico.
- **Martes 19 de decembro:**
 - Reunión cos xefes de servizo do Concello.
 - Reunión coa oposición.

Estas xornadas de participación, realizadas en diferentes datas e

dirixidas a distintos sectores da comunidade, foron deseñadas para **facilitar o diálogo e a interacción directa entre as entidades e asociacións agrupadas de maneira sectorial**. O obxectivo era, non só **contrastar os desafíos** identificados nunha primeira diagnose, senón tamén coñecer a fondo as **necesidades, aspiracións e accións máis prioritarias** que cada grupo tiña planificado ou estaba a desenvolver no seu ámbito de actuación.

O intercambio de ideas e a **posta en común** das aportacións destes grupos contribuíron a **consolidar unha visión compartida** e a identificar posibles solucións colaborativas.

As **reunións co grupo de goberno**, cos **xefes de servizo do Concello** e coa **oposición** ao goberno subliñou o **compromiso do proceso participativo a todos os niveis** da administración local. Estas reunións proporcionaron un espazo para

compartir información coa xestión municipal e para **garantir que as voces de todos os sectores da sociedade estivesen representadas e escoitadas** no proceso de elaboración da Axenda Urbana.

En resumo, o enfoque participativo adoptado nestas xornadas e reunións non só subliñou a **importancia da colaboración**, senón que tamén **fortaleceu a calidade e relevancia das accións propostas** na Axenda Urbana de Carballo, asegurando que as solucións propostas respondan de maneira efectiva ás **necesidades reais da comunidade local**.

Unha vez levada a cabo esta fase de participación completa elaborouse o documento do Marco Estratéxico e o Plan de Acción da Axenda Urbana de Carballo e nela se resalta que Carballo, como moitas outras cidades, enfronta **desafíos urbanos complexos**, dende a **mellora da calidade de vida no rural** ata a **redución das fendas**

sociais e a pegada ecolóxica. A Axenda Urbana de Carballo procura abordar estes retos de fronte, proporcionando un **marco estratéxico** que **guíe as accións municipais nunha dirección colectivamente acordada**.

En termos xerais, a Axenda Urbana de Carballo busca reflectir unha comprensión clara dos obxectivos urbanos prioritarios, agrupados en **sete ámbitos principais**: a **mellora do espazo urbano e da contorna natural**, o **fortalecemento das relacións coa cidadanía**, a **mellora da calidade de vida no rural**, a **redución da pegada ecolóxica**, a **mellora da mobilidade**, o **aumento do potencial económico** e a **redución das fendas sociais existentes**.

A Axenda Urbana de Carballo emerge como un documento **consensuado e adaptado á realidade local**, que non só incorpora os principios máis amplos da Axenda Urbana Española

e Europea, senón que tamén **define un rumbo claro e específico para o desenvolvemento urbano en Carballo**. A súa natureza, orientada a abordar múltiples dimensións urbanas, demostra o **compromiso da cidade coa construción dun futuro máis sostible e inclusivo para a súa veciñanza**.

